

稟聽其各回原籍及赴原編衛所標差閒住如有遇期不行者就便拿送法司照例問擬發落容留之人一体治罪如此則奸弊可革而良善不彼其害等因具題次日於

奉天門奏奉

聖旨是這廝每潛住京城造言生事非止一端錦衣衛并巡城御史便督同兵馬司挨究姓名開報在官責令回還如有容隱的都重罪不饒法司知道欽此

收藏妖書在家觀看充軍

成化十九年七月初八日刑部尚書張等題該錦衣衛鎮撫司叅問犯人田城送司查得成化十年五月二十四日欽奉

聖旨先因各處愚民捏造妖書妖言扇惑人心屢犯刑憲已經出榜禁約豈期冥頑之徒不思改過仍蹈前非近日以來犯者愈衆恁都察院還出榜申明禁約今後官吏軍民僧道但有收藏妖書勘令等項榜文剗冒限一月以裏盡行燒毀與免本罪敢有仍前捏造收藏傳用惑衆者許諸人赴官首告正犯處死全家發烟瘴地面充軍隨住首告得實之人量給官錢充實優免雜泛差役三年欽此欽遵看得田成收藏妖書雖不曾傳用惑衆却不合不行燒毀在家觀看情犯不為

不重若不另爲斷遣誠恐無以警戒將來除將本犯監候外參照犯人田成收藏各項妖書不行首告毀藏公然在家觀看玩法恃頑肆無忌憚於律雖止該徒罪原情實爲深重難照常例發落必當嚴示戒懲擬爲定例令無將田成免其拘役送兵部連當房妻小發遣邊衛充軍今後軍民舍餘旗校人等有犯除捏造妖言妖傳用惑衆遵奉前項

欽依事理處死外若私有妖書隱藏不送官在家觀看事發者法司問罪明白一体發遣庶幾事有定法人知警懼悞奉

聖旨是田成收藏妖書不行首官難照常例發落押發宣府邊衛充軍家小隨住欽此

奏禁革奸弊事

弘治元年九月十四日刑部等衙門尚書等官何等官題爲興利除害安養軍民等事

該工部委官主事陳仲舒秦欽將六科廊軍民匠作犯罪除答杖的決當匠徒流決訖杖數仍發本處拘後外雜犯死罪免其做工亦發本處常川上工五年不支月糧候工滿之日照舊閩支當匠等因奏行刑部成化四年二月覆奏

准行

前件看得六科廊軍民匠作犯該雜犯死罪